



«Այբ» ավագ դպրոց

ՀԱՅՈՑ ԼԵԶՈՒ ԵՎ ԼԵԶՎԱՄՏԱԾՈՂՈՒԹՅՈՒՆ

Քննաշրջան՝ 2025 թ. ապրիլ
Տևողություն՝ 1 ժամ 15 րոպե

«Այբ» ավագ դպրոց

ԳԾԱԿՈՂ

ՈՒՇԱԴԻՐ ԿԱՐԴԱԼ ԱՅՍ ՈՒՂԵՑՈՒՅՑԸ

Բոլոր պատասխանները գրել այս քննաթերթիկի մեջ՝ համապատասխան տեղերում:
Գրել մուգ կապույտ կամ սև գրիչով:
Քննության վերջում բոլոր թղթերը հավաքել և հանձնել մեկ տրցակով:

Այս փաստաթուղթը բաղկացած է 7 տպագիր և 1 դատարկ էջերից:

Հայոց լեզու

1. Անհրաժեշտ տեղում լրացրո՛ւ բաց թողած տառերը.

Հայոց երկիրն այն է, **որից** սկիզբ են առնում Տիգրիսը, Եփրատը, Արաքսը, Կուրը, Ճորոխը, բայց **սովորաբար** հայերի **ձեռքում** են եղել միայն նրանց վերին և միջին հովիտները: Հայերի բնօրրանն ամեն կողմից գոտևորված է երկնամուխ սարերով: Այսպես՝ Պոնտոսի լեռնաշղթան նրան անջատում է Սև ծովից, Տավրոսը՝ Միջերկրականից, և լեռնային մի **ահեղի** զանգված նրան մեկուսացնում է այն հովտից, որի մյուս կողմում Կովկասյան լեռնաշղթան է:

Հարևան թե՛ վաչկատուն ցեղերը, թե՛ հզոր պետություններն անդադրում փորձել են **իրենց** գերիշխանությունը հաստատել աշխարհագրորեն կարևոր այս երկրում: Ասորեստանցիներին, պարթևներին, հռոմեացիներին, արաբներին կիսով չափ է հաջողվել այդ բանը: Հայաստանը միշտ էլ պահել է որոշ ինքնավարություն, և **միայն** վերջին դարերի ընթացքում հայերը եղել են թուրքերի, պարսիկների և ռուսների իշխանության **ներքո**: Անհնարին կարող է թվալ այն, որ հայերը **չեն կորցրել** ազգային զգացումը և հայրենասիրությունը: Նրանք պահպանել են իրենց լեզուն, իրենց հինավուրց ավանդույթները:

5 միավոր

2. Գրի՛ր տրված բառերի հոմանիշները: Յուրաքանչյուրի համար գրի՛ր նաև մեկ հականիշ.

Բնօրրան **բնաշխարհ, ծննդավայր / գաղութ, գաղթավայր**_____

մեկուսացնել **-բաժանել, հեռացնել / մեկտեղել, միացնել**_____

պահել – **պահպանել, հսկել, պաշտպանել / կորցնել, անհետացնել**_____

հինավուրց **վաղեմի, վաղնջական / նոր, ժամանակակից**_____

2 միավոր

3. Տեքստից դո՛ւրս գրիր տրված կաղապարներին համապատասխան երկուական բառ.

Արմատ+հողակապ+արմատ — **երկնամուխ, լեռնաշղթա**_____

արմատ+հողակապ+արմատ+վերջաձանց — **աշխարհագրորեն, ինքնավարություն**_____

արմատ+վերջաձանց — **վերին, միջին, լեռնային**_____

նախաձանց+արմատ+վերջաձանց **անդադրում, անհնարին**_____

2,5 միավոր

4. Տեքստում գտի՛ր 2 բարդաձանցավոր բառ, որոնցից մեկն ունի գոյականով արտահայտված երկվանկ արմատ, իսկ մյուսը՝ բայարմատ: Դո՛ւրս գրիր այդ բառերը և ընդգծի՛ր արմատները:

Աշխարհագրորեն, ինքնավարություն

0,5 միավոր

5. Տեքստից դո՛ւրս գրիր ե խոնարհման 1 անկանոն բայ և 1 պատճառական բայ, կազմի՛ր այդ բայերի սահմանական եղանակի անցյալ կատարյալ և հրամայական եղանակի ապառնի ժամանակաձևերը (բայերը գործածի՛ր եզակի թվով, 1-ին դեմքով, դրական և ժխտական խոնարհումով):

Անկանոն բայ **օրինակ՝ լինել կամ առնել**

պատճառական բայ **օրինակ՝ մեկուսացնել**

սահմանական եղանակ, անցյալ կատարյալ ժամանակաձև **եղա, չեղա // մեկուսացրի, չմեկուսացրի**

հրամայական եղանակ **եղի՛ր, մի՛ եղիր // մեկուսացրո՛ւ, մի՛ մեկուսացրու**

1,5 միավոր

6. Որոշի՛ր տեքստում ընդգծված բառերի (8 բառ) խոսքիմասային պատկանելությունը և գրի՛ր դրանք ներքևում տրված համապատասխան տողում: Լրացրո՛ւ փակագծերում նշված հատկանիշները, անհրաժեշտության դեպքում նշի՛ր նախադասության մեջ շարահյուսական պաշտոնը:

Գոյական (հոլովը, հոլովումը)_____ **ծեռքում** _____

ածական (տեսակը, կազմությունը)_____ **ահռեյի** _____

դերանուն (տեսակը, հոլովը)_____ **իրենց** _____

բայ (եղանակը, ժամանակաձևը, դեմքը)_____ **չեն կորցրել** _____

մակբայ (տեսակը, կազմությունը)_____ **սովորաբար** _____

կապ (տեսակը)_____ **ներքո** _____

շաղկապ **բայց** _____

վերաբերական (տեսակը)_____ **միայն** _____

2 միավոր

7. ա. Շարունակի՛ր միտքն այնպես, որ նախադասությունը լինի

1/ բարդ համադասական՝

Հարևան պետությունները միշտ փորձել են իրենց գերիշխանությունը հաստատել Հայաստանում, սակայն դա նրանց չի հաջողվել:

2/ բարդ ստորադասական՝

Հարևան պետությունները միշտ փորձել են իրենց գերիշխանությունը հաստատել Հայաստանում, որովհետև այն աշխարհագրորեն կարևոր տարածքում է գտնվում:

բ. Կազմի՛ր բարդ ստորադասական նախադասություն՝ շարահյուսական անհրաժեշտ փոփոխությունների ենթարկելով տրված բառերը, ճիշտ դասավորելով և շաղկապներ ավելացնելով:

Սիրել, շատ, պետք է, մենք, Հայաստան, պահպանել, մասնիկ, ամեն, այն, թանկ, հայրենիք, մեր:

Մենք պետք է շատ սիրենք և պահպանենք Հայաստանի ամեն մասնիկը, որովհետև այն մեր թանկ հայրենիքն է:

1,5 միավոր

8. Կետադրի՛ր տեքստը:

Ծերունին մտքում կարդում էր. «Հայտնի է՝ Գրիգոր Նարեկացու՝ շատերին հետաքրքրող կյանքն ու հիշատակն ուղեկցվել են նրա կերպարը սրբագործող ավանդություններով: Դրանց մեջ նա երևում է որպես սքանչելագործ, հրաշագործ: Նրա աղոթքով հարություն է առնում նորապսակ երիտասարդը, կենդանանում են անշնչացած եզները, աղավնիները՝ երկնքում թևածող, առանց վախի իջնում են նրա պարզած ափի մեջ: Գավազանի մեկ հարվածով նա կարողացել է ժայռերից ջուր բխեցնել: Այդպիսի ավանդություններից մեկը՝ «Գեղ մի կայր՝ Նարեկ կասեն» վերնագրով, դեռևս 14-րդ դարում մշակել է Հովհաննես Թլկուրանցին»:

Փակելով Գրիգոր Նարեկացուն նվիրված գրքի վերջին էջը՝ ծերունին նայեց նրա նկարին և ասաց.

–Շնորհակալ եմ, որ բուժեցիր ինձ: «Նարեկ»-ը փրկեց իմ կյանքը, և ես դա երբեք չեմ մոռանա:

9. Գտի՛ր և ուղղի՛ր սխալները այն նախադասություններում, որտեղ դրանք առկա են (բառագործածության, խնդրառության, համաձայնության):

ա. Բոլորը հոտնկաց ծափահարում էր անվանի երաժիշտներին:

Բոլորը հոտնկայս ծափահարում էին անվանի երաժիշտներին:

բ. Ճիշտն ասած՝ ես դույզն-ինչ կասկածում եմ, թե դուք կկարողանաք հաղթել այդ պայքարում:

Ճիշտն ասած՝ ես փոքր-ինչ կասկածում եմ, թե դուք կկարողանաք հաղթել այդ պայքարում:

գ. Դասընկերս ինձ առանց գլխարկ տեսավ և չճանաչեց:

Դասընկերս ինձ առանց գլխարկի տեսավ և չճանաչեց:

դ. Մենք բոլոր կանոնները սովորել ենք՝ բացի օժանդակ նյութերը:

Մենք բոլոր կանոնները սովորել ենք՝ բացի օժանդակ նյութերից:

ե. Քո վրա մեծ պատասխանատվություններ է դրված:

Քեզ վրա մեծ պատասխանատվություն է դրված:

Լեզվամտածողություն

1. Ինչպիսի՞ն է մեր բնօրրանը: Ինչպե՞ս մենք պիտի պահպանենք մեր հայրենիքը: Կարծիքդ արտահայտի՛ր 3 բարդ նախադասությամբ (համադասական և ստորադասական):

3 միավոր

2. Հայերը պահպանել են իրենց լեզուն, հինավուրց ավանդույթները: Ինչո՞ւ է հայոց լեզվի և հինավուրց ավանդույթների պահպանումը կարևոր հայրենիքի պահպանման գործում և հայ ժողովրդի կյանքում: Մտքերդ շարադրի՛ր 2 պարզ ընդարձակ և 2 բարդ նախադասությամբ:

2 միավոր

3. Հնարք և հնարանք բառերով կազմի՛ր մեկական նախադասություն:

2 միավոր

4. **Ծանր և սև** բառերը գործածի՛ր նախադասություններում ուղիղ և փոխաբերական իմաստներով:

Ուղիղ _____

փոխաբերական _____

ուղիղ _____

փոխաբերական _____

2 միավոր

5. **Դանակ և դեմք** բառերից յուրաքանչյուրով գրի՛ր 2-ական դարձվածք և դրանցից 2-ով կազմի՛ր նախադասություններ:

Դանակը ոսկորին հասցնել-մեկին համբերությունից հանել,

դանակի տակ ընկնել-վիրահատության ենթարկվել,

դեմքը բացվել-զվարթանալ,

դեմքը կորցնել-ինքնուրույնություն չունենալ:

2 միավոր

6. Բառաշարքում ընդգծի՛ր համանունները և դրանցից մեկը երկու տարբեր իմաստներով գործածի՛ր նախադասություններում:

Արի, փայտ, դանակ, ջուր, **հորդ**:

1 միավոր